

Ala xa Waxayi

Masenyi nde yi Kitaabui xa fe ra

Annabi Yaya naxa yi Kitaabui sebe waxati xarxaxo bun ma. Mangasanyi jaaxi nu na Isayankae jaxankatafe temui naxe, Ala naxa e yaabi yi masenyi ra naxan noma findide madundui xungbe ra danxaniyatoo be naxee na toofofe Sentane saabui ra.

Isa yi Kitaabui foloma bataaxe solofere nan na danxaniyatoo pama ndee be. A a masenma a a e xa wali birin kolon, naxan fanxi, a nun naxan mu fanxi. Na findixi seriye nan na adamadie be. Ala fe birin kolon. A lanma won xa a kolon a won ma fe yo mu noxunxi Ala ma. A mu neemuma won ma wali yo ma. Na masenyi mooli nan noma won madundude xa won na toofofe Ala xa fe ra, kono a man noma won magaaxude xa won na fe jaaxi nde kui.

A firin nde, yi Kitaabui a masenma ne won be a Ala fe kolon naxan fama rabade dunja ma. Ala Sentane xa wali kolon, a mixi madaxuma ki naxe. Sentane joxo a ma a a noma node Ala senbe ra. Wule nan na ki. Yi Kitaabui xa masenyi xungbe findima Ala xa xunnakeli nan na. Sentane fama ne Ala nun danxaniyatoo gere, a fa mixi seniyenxie toofofe a gbegbe ra. Kono a rajonyi, Ala fama ne Sentane nun a foxirabiree birin xa fe xun nakanade, a e woli yahannama te nun soda xora, e luma dennaxe abadan. A fa a xa pama tongo, a e raso ariyanna kui, dennaxan xili falama «Darisalamu Neene.» Menni, adamadi kisi kolonma ne naxan maniye mu na. Faxe mu na, toofofe mu na. Heeri nan tun na menni Alatala seeti ma.

Yi Kitaabui xaranfe ndedi xarxaxo, barima sebeli na a ra naxan taali wayenyi rawalima a gbegbe ra. Misaali gbegbe na a kui naxee a niyama a fahaamu xa kono. A mu lanma mixi xa kankan misaali nde ma naxan xarxaxo. Won xa na birin xaran, alako won xa masenyi xungbe to naxan minima yi Kitaabui kui. Na mu xarxaxo alo misaali xunxuri nde naxee rawalima yi Kitaabui kui.

Ala xa lonni fi won ma yi xaranyi kui. Amina.

Ala xa Waxayi

¹ Ala xa Mixi Sugandixi Isa xa laamatunyi nan ya, Ala naxan fixi a ma. A xa maleke naxa na rasanba a xa konyi Yaya ma, alako Ala xa konyi di birin xa a kolon fe naxan fama rabade yi waxati. ² Yaya findixi seede nan na Ala xa masenyi xa fe ra a nun Ala xa Mixi Sugandixi Isa xa seedepoxoya xa fe ra. A naxan to, a naxa na birin masen. ³ Heeri na a xaran mixi be, a nun naxee e tuli matima yi masenyi ra naxan tixi Ala xili ra, e man fa yi sebeli ratinme, barima waxati bara makore.

⁴ N tan Yaya, n bara yi sebeli ti Isa xa danxaniyatoe pama doko solofere ma, naxee na Asi boxi ma. Ala xa hinne nun bopesa fi wo ma, Ala naxan na xoro, to, a nun tina. Xaxili solofere naxee na a xa mange kibanyi ya i, nee fan bara hinne wo ra, ⁵ a nun Ala xa Mixi Sugandixi Isa, naxan findixi seede tinxinxi ra, naxan singe keli mixi faxaxie tagi, naxan dangi boxi mange birin na. Matokoe na Isa nan be, naxan won xanuxi, naxan won nakisixi won ma yunubie ma a wuli saabui ra. ⁶ A bara won naso Ala xa mangeya niini bun ma, a bara won findi serexedubee ra a Baba Ala be. Nore nun senbe na a be abadan! Amina.

⁷ Wo wo ya rate koore ma,
a na fafe nuxuie kui.
Adamadi birin a toma ne,
hali naxee a masoko.
Duniya si birin fama sunnunde a xa fe ra.
Iyo, a na na ki ne. Amina!

⁸ Marigi Ala xa masenyi nan ya: «N tan nan na a fole ra, n tan nan na a raponyi ra, n tan naxan na xoro, to, nun tina, Senbe Birin Kanyi.»

⁹ N tan Yaya, wo ngaxakerenyi, won birin na tokofe, won birin na Ala xa mangeya niini nan bun ma, won birin tun nabexixi Isa xa fe i. N nu na Patimosi suri nan ma Ala xa masenyi nun Isa xa seedepoxoya xa fe ra. ¹⁰ Ala xa lokoe, Ala Xaxili Seniyenxi to n suxu, n naxa xui nde me n xanbi ra. A senbe gbo alo sara xui. ¹¹ A naxa a masen n be, «I naxan toxi, a sebe Kitaabui kui, i xa a rasanba danxaniyatoe pama doko solofere ma, naxee na Efese, Simirina, Peregamo, Tiyaire, Saradesi, Filadelifiya, nun Layodiseya.»

¹² N naxa n mafindi alako n xa a to naxan woyenxi n na. N to n mafindi, n naxa lanpui xeema daaxi solofere to. ¹³ N naxa adamadi maniye to na lanpuie tagi, donma

kuye ragoroxi a ma, beleti xεema daaxi balanxi a kanke ra. ¹⁴ A xunyi nun a xunsexe nu fiixe alɔ yεxεε xabe fiixe, xa na mu a ra balabalanyi. A yae nu yanbama alɔ tε. ¹⁵ A sanyie nu gbeelixi alɔ wure gbeeli raxunuxi, a xui nu gbo alɔ baa mɔrɔnyi xui. ¹⁶ Tunbui solofere nu na a yirefanyi belexe, santidegema dε firin daaxi xεpenxi nu na a dε i, a yatagi mayanbama alɔ soge xɔnε.

¹⁷ N to a to n naxa bira a bun ma, n fa lu alɔ mixi faxaxi. A naxa a yirefanyi belexe sa n ma, a fa a fala, «Hali i mu gaaxu. N tan nan na a fɔle nun a rapɔnyi ra. ¹⁸ N nɔpɔ na a ra. N nu bara faxa, kɔnɔ yakɔsi n nɔpɔ na a ra abadan. Faxε nun aligiyama saabi kanyi na n tan nan na. ¹⁹ I xa fe nan sebe i naxan toxi, naxan na rabafe, a nun naxan fama rabade. ²⁰ Yi tunbui solofere i naxee toxi n yirefanyi belexe kui, e misaalixi Isa xa danxaniyatɔε jama dɔxɔ solofere xa malekee nan na. Yi lanpui xεema daaxi solofere, e misaalixi Isa xa danxaniyatɔε jama dɔxɔ solofere nan na.»

2

Bataaxe danxaniyatɔε jamae be

¹ A sebe Efese danxaniyatɔε jama xa maleke ma, masenyi nan ya naxan fatanxi Isa ra tunbui solofere suxuxi naxan yirefanyi belexe kui, naxan jεrema lanpui xεema daaxi solofere tagi: ² «N wo xa fe rabaxi kolon, n wo xa wali kolon, n wo xa tun nabexi kolon. N a kolon mixi jaaxie mu rafan wo ma. N a kolon wo bara mixie makiiti naxee e yete findixi Ala xa xεerae ra, han wo fan fa e kolon wule falee ra. ³ Wo bara wo tun nabexi, wo bara tɔɔrɔ n xili xa fe ra, kɔnɔ limaniya mu baxi wo yi ra.»

⁴ «Kɔnɔ fe keren na na naxan mu rafanxi n ma wo xa fe ra. Wo mu n xanuxi a fanyi ra yakɔsi alɔ wo nu n xanuxi ki naxe singe ra. ⁵ Wo xa wo ratu a ma, wo nu na ki naxe beenun wo xa wo san nadin. Wo xa tuubi, wo man xa wali suxu alɔ wo nu a rabama singe ra ki naxe. Xa wo mu tuubi n fama nε wo xɔnyi, n fa wo xa lanpui bade a yire.»

⁶ «Kɔnɔ wo bara fe nde raba naxan fan. Wo bara Nikolasi xa jama xa fe xɔn, alɔ n fan a xɔnxi ki naxe.»

⁷ «Tuli na naxan be, a xa a tuli mati Ala Xaxili Seniyenxi xa masenyi ra danxaniyatɔε jamae be. Naxan na geeni, n na nan luma a xa simaya wuri bogi don, naxan tixi Ala xa ariyanna kui.»

⁸ A sebe Simirina danxaniyatɔε jama xa maleke ma, masenyi nan ya naxan fatanxi

Isa ra, Isa naxan na a fɔle nun a raɲɔnyi ra, naxan nu faxaxi a man fa keli faxe ma:
⁹ «N wo xa jaxankate nun setareja kolon, hali bannaya nde to na wo yi ra. N Yuwifie xa tɔɲɛge kolon wo mabiri. E a falama e yete be a Yuwifie, a fa li Yuwifie mu e ra. E findixi Sentane xa mixie nan na. ¹⁰ Wo naxa gaaxu jaxankate ya ra, wo fama naxan sɔtɔde. Ibulisa a niyama ne wo xa mixi ndee xa sa geeli, alako a xa wo mato. Wo fama ne jaxankatade xi fu bun ma. Kɔnɔ wo xa lu danxaniya kui han wo faxe lɔxɔe. Na temui n kisi fima ne wo ma wo sare ra.»

¹¹ «Tuli na naxan be, a xa a tuli mati Ala Xaxili Seniyenxi xa masenyi ra danxaniyatɔe jamae be. Naxan na geeni, a mu faxe firin nde kolonma.»

¹² A sebe Peregamo danxaniyatɔe jama xa maleke ma, masenyi nan ya naxan fatanxi Isa ra, santidegema de firin xɛɲɛnxi kanyi: ¹³ «N a kolon wo xa taa findixi Sentane senbe yire nan na, kɔnɔ wo xirixi n xili ra, wo mu danxaniya raboloxi. Hali waxati ma, n dugutege seede Antipasi faxes temui naxe wo xɔnyi Sentane yire, wo mu n ma kira rabepin.»

¹⁴ «Kɔnɔ fe ndee na na naxee mu rafanxi n ma wo xa fe ra. Wo xa mixi ndee birama Balami xa misaali nan fɔxɔ ra, naxan nu bara Balaki rasi a xa gantanyi te Isirayilakae be, e xa subee don naxee baxi serexe ra kuyee be, e xa yene fan naba. ¹⁵ Wo xa mixi ndee fan biraxi Nikolasi xa jama xa xaranyi fɔxɔ ra. ¹⁶ Na kui, wo xa tuubi, xa na mu a ra n fama ne gere tide na mixie be n ma santidegema ra, naxan na n de i.»

¹⁷ «Tuli na naxan be, a xa a tuli mati Ala Xaxili Seniyenxi xa masenyi ra danxaniyatɔe jamae be. N «mana» donse nɔxunxi fima ne geeni mixi ma, a nun geme fiixe, xili neene sebexi naxan ma. Mixi yo mu na xili kolon, bafe na geme kanyi ra.»

¹⁸ A sebe Tiyatire danxaniyatɔe jama xa maleke ma, masenyi nan ya naxan fatanxi Ala xa Di ra, naxan yae yanbama alo te, a sanyie luxi alo wure gbeeli raxunuxi: ¹⁹ «N wo xa fe rabaxi kolon, wo xa xanunteya, wo xa danxaniya, wo xa wali fanyi, wo xa tun nabexi, a nun wo naxan birin nabaxi a donxɔe ra naxan gbo dangi wo xa wali singee ra.»

²⁰ «Kɔnɔ fe keren na na naxan mu rafanxi n ma wo xa fe ra. Wo bara a lu Yesabela, gine naxan a yete findixi namijonme ra, a xa xaranyi ti naxan n ma konyie ratantanma, alako e xa fe kobi raba, e xa subee don naxee baxi serexe ra kuyee be. ²¹ N bara dije alako a xa tuubi, kɔnɔ a mu tinxi a yuge jaaxi masarade. ²² Na na a ra, n a rasoma ne jaxankate kui, a tan nun a yene raba booree, xa e mu tuubi. ²³ N fama ne a xa

die fan faxade. Na kui, danxaniyatœ pama birin a kolonma ne a n tan nan mixi bœpe nun a sondonyi matoma, n tan nan e xa fe rabaxi sare ragbilenma e ma.»

²⁴ «Kɔnɔ wo tan, Tiyaŋtɩreka mixi dɔnxœ naxee mu na yi fe kui, naxee mu soxi Sentane xa gundo kui, n mu kote gbete dɔxɔma wo xun ma kœre. ²⁵ Wo naxan sɔtɔxi, wo na suxu gben, han n fama temui naxe. ²⁶ Naxan na geeni, naxan n ma wali suxuma han a rapɔnyi, n mangeya fima na kanyi nan ma, a xa sie yamari. ²⁷ «A e yamarima sawuri wure daaxi nan na, a e kanama ne alo fepe ibɔɔma ki naxe», ²⁸ alo n senbe sɔtɔxi ki naxe n Baba Ala ra. N man subaxa looloe fima ne na kanyi ma.»

²⁹ «Tuli na naxan be, a xa a tuli mati Ala Xaxili Seniyenxi xa masenyi ra danxaniyatœ pamae be.»

3

Bataaxe danxaniyatœ pama gbete be

¹ A sebe Saradesi danxaniyatœ pama xa maleke ma, masenyi nan ya naxan fatanxi Isa ra, naxan Xaxili solofere yamarima, tunbui solofere suxuxi naxan yi ra:

«N wo xa wali kolon. Mixi jɔxɔ a ma a wo jipe na a ra, kɔnɔ wo bara faxa. ² Wo naxa yanfa, wo xa wo bore ralimaniya, naxee na faxe kira xɔn, barima nde luxi wo xa wali ra n Marigi Ala be. ³ Wo xa ratu na masenyi ma, wo naxan masɔtɔxi, wo naxan mexi. Wo xa a ragata wo bœpe kui, wo xa tuubi. Xa wo mu wo pengi sa yi xɔn, n fama ne waxati nde kui wo mu naxan kolon, na fa findi terenna ra wo be alo mupeti fa temui. ⁴ Kɔnɔ mixi ndee na Saradesi naxee mu nɔxɔxi fe jaaxi ra. Nee fama ne jerede n seeti ma, donma fiixe ragoroxi e ma, barima na nan findixi e xa wali sare ra.»

⁵ «Naxan na geeni, donma fiixe ragoroma a ma. N mu a xili bama simaya buki kui, n a xa fe falama ne n Baba Ala be a xa malekee ya xœri. ⁶ Tuli na naxan be, a xa a tuli mati Ala Xaxili Seniyenxi xa masenyi ra danxaniyatœ pamae be.»

⁷ A sebe Filadelifiya danxaniyatœ pama xa maleke ma, masenyi nan ya naxan fatanxi Seniyentœ nɔndi fale ra, Dawuda xa saabi na naxan yi ra, naxan naade rabima mixi mu nɔ a balande, naxan naade balanma mixi mu nɔ a rabide: ⁸ «N wo xa wali kolon. N a kolon wo senbe mu gbo, kɔnɔ wo bara n ma masenyi rabatu, wo mu n yanfa. Na kui, n bara naade nde rabi wo ya ra, mixi mu nɔma naxan balande. ⁹ N fama ne mixie sade wo belexe naxee a falama e yete be a Yuwifie, kɔnɔ e findixi Sentane xa pama nan na. E na wule nan falafe. N fama ne e ra, e xa e magoro wo be, e xa a kolon wo rafan n

ma. ¹⁰ Wo to n ma masenyi rabatu tun nabexi kui, n fan wo ratangama ne na waxati xoxoxo ma naxan fama dunja lide, a fa dunja mixi birin mato. ¹¹ A gbe mu luxi n xa fa. Wo naxa wo xa danxaniya bejin, alako mixi yo naxa wo sare fanyi ba wo yi ra.»

¹² «Naxan na geeni, n a findima n Marigi Ala xa horomobanxi kinki ra, a xa lu menni abadan. N nan n Marigi Ala xili nun n Marigi Ala xa taa xili sebema ne a ma. Na taa findixi Darisalamu neene nan na, Ala naxan nagoroma kelifa koore ma. N nan n xili neene fan sebema ne a ma. ¹³ Tuli na naxan be, a xa a tuli mati Ala Xaxili Seniyenxi xa masenyi ra danxaniyatse pamae be.»

¹⁴ A sebe Layodiseya danxaniyatse pama xa maleke ma, masenyi nan ya naxan fatanxi Isa ra, naxan findixi Ala sago rakamali ra, a xa seede laxise, Ala xa daalie daaxi naxan saabui ra: ¹⁵ «N wo xa wali kolon. Wo mu xinbeli, wo mu wolen. A xoli n ma wo xa nate tongo, wo xa xinbeli, xa na mu a ra wo xa wolen. ¹⁶ Wo to fa luxi a tagi, wo mu wolen, wo mu xinbeli, n wo raboloma ne. ¹⁷ Wo bara a fala, «Bannamixie nan muxu ra, muxu hayi mu na fefe ma.» Wo mu a kolon a wo findixi toromixie nan na, a nun misikiinee, setaree, donxue, nun mixi mageli. ¹⁸ N marasi naxan fima wo ma, wo xa xeema fanyi sara n ma, xeema naxan gbi baxi te ra, alako wo xa findi bannamixie yati ra. Wo xa donma fiixe sara n ma, wo xa na ragoro wo ma, alako wo xa ba tixi wo mageli ra, yaagi xa ba wo ma. Wo man xa ya seri sara n ma, alako wo xa fe igbe. ¹⁹ N nan n xanuntenyie nan xuruma, n e matinxin. Wo xa wakili, wo xa tuubi. ²⁰ N tixi naade ra, n na a konkofe. Xa mixi nde n xui me, a naade rabi n be, n soma ne a xonyi, muxu fa muxu dege yire keren.»

²¹ «Naxan na geeni, a luma n seeti ma n ma kibanyi kui, alo n tan fan to geeni, n fa n magoro n Baba Ala seeti ma a xa kibanyi kui. ²² Tuli na naxan be, a xa a tuli mati Ala Xaxili Seniyenxi xa masenyi ra danxaniyatse pamae be.»

4

Ala xa kibanyi ariyanna

¹ Na birin to dangi, n naxa ariyanna naade rabixi to koore ma. N man naxa xui nde me, n nu bara naxan singe me. A senbe nu gbo alo sara. A naxa a masen n be, «I xa te bebiri, n xa fe masen i be naxan fama rabade.» ² Ala Xaxili Seniyenxi naxa n suxu keren na. N naxa kibanyi nde to ariyanna, mange magoroxi a kui. ³ A nore nu yanbama alo geme tofanyi mayilenxie, senkui tofanyi nu na a xa kibanyi rabilinyi.

⁴ Kibanyi mɔxɔɲen nun naani nu na Ala xa kibanyi rabilinyi, fori mɔxɔɲen nun naani magoroxi e kui. Donma fiixe nu ragoroxi e ma, mange katanyi xɛɛma daaxi nu saxi e xun na. ⁵ Seyamakɔnyi nun galanyi xuie nu minima kibanyi kui. Lanpui solofere nu dexema kibanyi ya i. Nee misaalixi Ala Xaxili kamalixi nan na. ⁶ Baa tinse fan nu na kibanyi ya i.

Nimase naani nu na Ala xa kibanyi rabilinyi, yae nu na e yatagi nun e kobe ma. ⁷ Nimase singe nu maniyaxi yete nan na, a firin nde nu maniyaxi ningeyɔɛ nan na, a saxan nde nu maniyaxi adamadi nan na, a naani nde nu maniyaxi xaruma nan na, naxan ɲɛɛma koore ma. ⁸ Na nimase naani birin, gabutenyi senni nu na e ma. Yae fan nu na e be yire birin, e gabutenyie fari nun e bun ma. Kɔɛ nun yanyi e nu luma a fala ra,

«Marigi Ala seniye,

Marigi Ala seniye,

Marigi Ala seniye.

A findixi Senbe Kanyi nan na

naxan na xoro, to, nun tina.»

⁹ Na nimase naani nu fa Mange matɔxɔ, e mange binya naxan magoroxi kibanyi kui, e mange tantu, naxan ɲiɲɛ a ra abadan, ¹⁰ na fori mɔxɔɲen nun naani, e felenma bɔxi ma Mange ya i, naxan magoroxi kibanyi kui, e fa a batu naxan ɲiɲɛ a ra abadan. E nu e xa mange katanyi ba e xun na, e nu e sa kibanyi san na, e nu fa a fala, ¹¹ «Muxu Marigi Ala, matɔxɔɛ, binye, nun senbe na i tan nan be, barima i tan nan se birin daaxi, i tan nan na birin ɲanigexi, i tan nan na birin nagirixi.»

5

Buki nde rabife

¹ Na dangi xanbi, n naxa Ala to a xa kibanyi kui, buki nde nu na a xɔɲye, sebeli tixi a kui nun a fari, a mabalanxi a balanse solofere ra. ² N naxa maleke senbema nde to, a a falama a xui itexi ra, «Nde nɔma yi buki rabide, nde nɔma a balansee bade a ma?» ³ Nimase yo mu nu na koore ma, bɔxi ma, xa na mu a ra bɔxi bun ma, naxan nu nɔma na buki rabide, a a kui mato. ⁴ Na kui, n naxa wa a gbegbe ra, barima nimase yo mu nu na, naxan nu nɔma na buki rabide, a a kui mato. ⁵ Fori nde naxa a fala n be, «I naxa wa, Yuda bɔɲsɔɛ xa yete, naxan findixi Dawuda bɔɲsɔɛ ra, a bara geeni. A tan nan nɔma na buki nun a balanse solofere rabide.»

⁶ Na temui n naxa Yexɛɛyɔrɛ to a tixi kibanyi nun na nimase naani nun na forie tagi. Na Yexɛɛyɔrɛ nu luxi nɛ alɔ a kɔn naxabaxi. Feri solofere nun ya solofere nu na a bɛ, naxee misaalixi Ala Xaxili Seniyenxi kamalixi ra, naxan nu bara xɛɛ dunija yire birin ma. ⁷ Yexɛɛyɔrɛ naxa a maso Ala ra, naxan nu magoroxi kibanyi kui, a fa buki rasuxu Ala yirefanyi xɔnyɛ.

⁸ A to buki masɔɔ, na nimase naani nun na fori mɔxɔɔnɛn nun naani, e naxa suyidi Yexɛɛyɔrɛ bɛ. Kɔra nu na e birin yi ra, a nun surayi sase xɛɛma daaxi naxee rafexi surayi ra, naxan misaalixi seniyentɔɛɛ xa Ala maxandie ra. ⁹ E naxa beeti nɛnɛ nde ba, e nu a fala,

«I tan nan daxa yi buki tongode,
i tan nan daxa a balansee rabide,
barima i bara i yetɛ ba sɛrɛxɛ ra,
i bara adamadie xunsara Ala bɛ i wuli saabui ra,
adamadi naxee kelixi bɔnsɔɛ birin,
naxee xui birin falama,
naxee fatanxi pamane nun si birin na.

¹⁰ I bara na adamadie findi sɛrɛxɛdubɛɛ ra
muxu Marigi Ala bɛ.

I bara e raso Ala xa mangɛya niini bun ma.

E fama nɛ dunija yamaride.»

¹¹ Na temui n naxa malekɛ wulu wulu wuyaxi to, n naxa e xui mɛ Ala xa kibanyi, na forie, nun na nimasee rabilinyi. ¹² E naxa a fala e xui itexi ra, «Yexɛɛyɔrɛ naxan baxi sɛrɛxɛ ra, a daxa a xa senbɛ, bannaya, lɔnni, nɔɛ, binyɛ, matɔxɔɛ, nun tantui sɔɔ.» ¹³ Nimase naxan birin na koore ma, bɔxi fari, bɔxi bun ma, baa ma, a nun daalise birin, n nee birin xui mɛ nɛ, e nu fa a fala, «Matɔxɔɛ, binyɛ, tantui, nun senbɛ na Ala bɛ naxan magoroxi kibanyi kui, a nun Yexɛɛyɔrɛ bɛ abadan.» ¹⁴ Na nimase naani naxa a ratin, «Amina.» Forie naxa e felen bɔxi ma, e Ala nun Yexɛɛyɔrɛ batu.

6

Buki balansee

¹ N naxa Yexɛɛyɔrɛ to buki balanse singe rabi ra. N naxa nimase nde xui mɛ kelife

na nimase naani tagi. A xui senbe nu gbo alo galanyi. A naxa a fala, «Fa.» ² Na dangi xanbi, n naxa soe fiixe nde to, xali suxuxi a ragima yi, mange katanyi saxi a xun ma, a fa siga xunnakeli kui, a man xa sa geeni.

³ A to buki balanse firin nde rabi, n naxa nimase firin nde xui me. A naxa a fala, «Fa.» ⁴ Soe gbeeli naxa mini. E naxa a ragima yamari a xa bojesa ba dunija kui, alako adamadie xa nu e bore kon naxaba. Santidegema belebele naxa so a yi ra.

⁵ A to buki balanse saxan nde rabi, n naxa nimase saxan nde xui me. A naxa a fala, «Fa.» N naxa soe fore to. Sikeeli nu suxuxi a ragima yi ra. ⁶ N naxa xui nde me na nimase naani tagi, «Mengi kilo keren sare lanma loxoere keren wali sare nan ma. Fundenyi maniye kilo saxan lanma loxoere keren wali sare nan ma. I naxa ture nun weni xun nakana.»

⁷ A to buki balanse naani nde rabi, n naxa na nimase naani nde xui me. A naxa a fala, «Fa.» ⁸ N naxa soe burexe xinde daaxi to. A ragima xili ne «Faxa» laaxira nu biraxi a foxo ra. Noe naxa so e yi ra dunija seeti keren xun ma a seeti naani ya ma, alako e xa mixie faxa santidegema ra, kaame ra, wuganyi ra, a nun sube xaapexie ra, naxee na wula i.

⁹ A to buki balanse suuli nde rabi, n naxa mixie nii to serexebade bun ma, mixi naxee kon nu bara raxaba barima e nu birama Ala xa masenyi nan foxo ra, e findi a xa seedee ra. ¹⁰ E naxa a fala e xui itexi ra, «Marigi seniye nendi fale, i buma han temui mundun fafe ra kiiti sade, alako muxu gbe xa foxo dunija mixie ma naxee bara muxu faxa?» ¹¹ Donma kuye fiixe naxa so e birin yi ra. Mixi nde naxa a fala e be e xa mame ti sinden, han e walibooree nun e ngaxakerenyie xasabi xa kamali naxee lanma e xa faxa alo e tan.

¹² A to buki balanse senni nde rabi, boxi naxa seren senbe ra, soe naxa iforo alo sunnun donma fore, kike naxa lu alo wuli, ¹³ tunbuie naxa bira boxi ma, alo foye belebele xore bogi rabirama ki naxe. ¹⁴ Koore naxa ba na, alo keedi makuntanma ki naxe a xa ragata. Geyae nun surie fan naxa keli e yire. ¹⁵ Dunija mangae, kuntigie, soori yareratie, bannae, senbemaie, konyie, nun lasirie, e birin naxa e noxun yilie kui a nun geya gemae longori ra. ¹⁶ E nu fa a fala geyae nun fanyee be, «Wo bira muxu ma, wo xa muxu noxun Ala ma, naxan magoroxi mange kibanyi kui, a nun Yexeyore xa xone ma.»

¹⁷ E xa xone loxoere xungbe bara a li. Nde noma a yete ratangade na ma?

Ala xa jama

¹ Na dangi xanbi, n naxa maleke naani to, e tixi dunija tunxui naani ra. E nu dunija foye naani ratima, alako foye naxa mini boxi ma, baa ma, xa na mu sansie ma. ² N naxa maleke gbete fan to a kelife sogetede mabiri, Ala Nijne xa tonxuma suxuxi a yi ra. A naxa a masen a xui itexi ra, na maleke naanie be, naxee nu yamarixi fe xone rabade boxi nun baa ra, ³ «Wo naxa wo belexe din boxi nun baa nun wuri bilie ra sinden, han muxu xa ge toxunma sade Ala xa walikée tigi ma. ⁴ N naxa na walikée konti xasabi me, Ala xa tonxuma saxi naxee ma. E findi mixi wulu keme wulu tongo naani nun wulu naani nan na, kelife Isirayila bonsœe birin ya ma.

⁵ Mixi wulu fu nun firin Yuda bonsœe ya ma naxee matonxumaxi,

mixi wulu fu nun firin Ruben bonsœe ya ma,

mixi wulu fu nun firin Gadi bonsœe ya ma,

⁶ mixi wulu fu nun firin Aseri bonsœe ya ma,

mixi wulu fu nun firin Nafatali bonsœe ya ma,

mixi wulu fu nun firin Manasi bonsœe ya ma,

⁷ mixi wulu fu nun firin Simeyon bonsœe ya ma,

mixi wulu fu nun firin Lewi bonsœe ya ma,

mixi wulu fu nun firin Isakari bonsœe ya ma,

⁸ mixi wulu fu nun firin Sabulon bonsœe ya ma,

mixi wulu fu nun firin Yusufu bonsœe ya ma,

mixi wulu fu nun firin Bunyamin bonsœe ya ma naxee matonxumaxi.»

⁹ Na dangi xanbi, n naxa jama gbegbe to, naxan mu nu noma kontide, kelife si birin, bonsœe birin, xabile birin, nun xui birin. E nu tixi Ala xa kibanyi nun Yexeeƴore ya i, donma kuye fiixe ragoroxi e ma, tugi fense suxuxi e yi. ¹⁰ E naxa a masen e xui itexi ra, «Kisi na muxu Marigi Ala be naxan magoroxi kibanyi kui, nun Yexeeƴore be.» ¹¹ Malekee nu tixi kibanyi, forie nun nimase naanie rabilinyi, e naxa e yatagi rafelen boxi ma, e Ala batu ¹² yi fe fale ra, «Amina. Matœœe, nœœe, lonni, tantui, binye, nœœe fanyi, nun senbe na muxu Marigi Ala nan be abadan. Amina.»

¹³ Na temui fori nde naxa n maxœrin, «Nde na na mixie ra donma fiixe ragoroxi naxee ma? E kelixi minden?» ¹⁴ N naxa a yaabi, «N Marigi, i tan nan a kolon.» A naxa a

masen n be, «Mixie nan e ra, naxee kelixi na paxankate xungbe kui. E bara e xa donmae xa Yexɛyɔrɛ wuli ra, na nan a toxi e xa donmae fiixexi. ¹⁵ Na nan a toxi e tixi Ala xa kibanyi ya i, e fa a batu kɔɛ nun yanyi a xa hɔrɔmɔlingira kui. E na Ala xa niini bun ma, naxan magoroxi kibanyi kui. ¹⁶ Kaame nun ye xoli mu e suxuma sɔnɔn, soge nun kuye fure mu e tɔɔrɔma sɔnɔn, ¹⁷ barima Yexɛyɔrɛ naxan na kibanyi seeti ma, na nan fama e degede, a e xun ti kisi ye yire ra. Ala fama ne e yaye birin nafurukude.»

8

Buki balanse solofere nde rabife

¹ A to buki balanse solofere nde rabi, kuye naxa lu yen waxati tagi jɔndɔn bun ma.

² N naxa maleke solofere to, naxee nu tixi Ala ya i, sara solofere naxa so e yi ra.

³ Maleke gbetɛ naxa fa, a ti serɛxɛbade fari, surayi sase xɛɛma daaxi nu na a yi ra. E naxa surayi gbegbe so a yi ra, a nun seniyentɔɛ birin xa Ala maxandie ra. A naxa na surayi gan serɛxɛbade xɛɛma daaxi ma Ala xa kibanyi ya i. ⁴ Surayi tuuri naxa te Ala ya i, a nun seniyentɔɛ xa Ala maxandie, kelife maleke belexɛ. ⁵ Maleke naxa surayi ganse tongo, a naxa serɛxɛbade tɛ sa a kui, a fa a woli dunija ma. Galanyie naxa bula, xuiɛ naxa mɛ, seyamakɔnyie naxa mini, bɔxi naxa sɛrɛn.

⁶ Maleke solofere, saraɛ nu na naxee yi ra, nee naxa keli, e xa saraɛ fe. ⁷ Maleke singe to a xa sara fe, balabalanyi nun tɛ naxa goro dunija ma, e masunbuxi wuli ra. Bɔxi itaxunxi saxan na, na dɔxɔde saxan nde naxa gan. Wuri bilie itaxunxi saxan na, na dɔxɔde saxan nde naxa gan. Nooge xinde birin naxa gan.

⁸ Maleke firin nde to sara fe, geya xungbe, tɛ naxan ganfe, a naxa sin baa ma. Baa itaxunxi saxan na, na dɔxɔde keren naxa findi wuli ra. ⁹ Baa nimasee itaxunxi saxan na, na dɔxɔde saxan nde naxa faxa. Kunkuie itaxunxi saxan na, na dɔxɔde saxan nde fan naxa kana.

¹⁰ Maleke saxan nde to sara fe, tunbui dexɛxi belebele naxa bira. Xuree itaxunxi saxan na, na tunbui naxa bira na saxan nde ma a nun dulonyie ma. ¹¹ Na tunbui xili ne «Xɔnɛ.» Dunija ye itaxunxi saxan na, na dɔxɔde saxan nde to findi xɔnɛ ra, adamadi gbegbe naxa faxa na ma.

¹² Maleke naani nde to sara fe, soge, kike, nun tunbui itaxunxi saxan na, na dɔxɔde saxan nde naxa findi dimi ra. Nde naxa ba yanyi nun kɔɛ xa naiyalanyi ra.

¹³ Na temui n naxa xaruma nde xui mɛ koore ma, a naxa a fala a xui itexi ra,

«Naxankate na dunija mixie be, naxankate na e be sara fe temui, maleke saxanyie fama naxee fede.»

9

Maleke xa sara fe donxoe

¹ Maleke suuli nde to sara fe, n naxa tunbui to bira ra boxi kelifa koore ma. E naxa yili tilinxi naade saabi so a yi ra. ² A naxa na yili naade rabi, tuuri gbegbe naxa mini a kui alo te belebele tuuri han soge naxa makoto, kuye naxa idimi. ³ Tugumie naxa mini tuuri kui, e fa goro boxi ma. E nu bara senbe soto alo tali. ⁴ E nu bara yaamari soto a falafe ra e naxa din boxi jooge ra, nun se xinde, a nun wuri bili yo ra. A nu lanma e xa adamadie gbansan nan tooro Ala xa tonxuma mu saxi naxee tigi ma. ⁵ E nu bara yaamari soto a falafe ra e naxa adamadie faha, e xa e tooro tun kike suuli bun ma. E nu mixi bunma ne alo tali. ⁶ Na loxoe, mixie faxe xoli mawama ne na toore xa fe ra, konko e mu noma faxade. Faxe xoli e suxuma ne, konko faxe a makuyama ne e ra.

⁷ Na tugumie maniyaxi soe nan na, naxee rawalima gere kui. Mange katanyi xeema daaxi nu dusuxi e xun na, e yatagie nu luxi ne alo mixie. ⁸ E xunsexe nu luxi ne alo ginnee xunsexe. E jinyie nu luxi ne alo yete jinyie. ⁹ Wure makantase nu na e kanke ma, e gabutenyie nu xui raminima alo soori ragise xui, soe gbegbe naxan bendunma. ¹⁰ E xuli nu mixi bunma alo tali, na xone nu fa mixi tooro kike suuli bun ma. ¹¹ E xa yarerati nu findixi na yili tilinxi xa maleke nan na, naxan xili nu falaxi Eburu xui «Abadon,» a nu falaxi Gireki xui «Apoliyon,» na nan na ki «Yire Kane.» ¹² Naxankate singe bara dangi, firin nan luxi.

¹³ Maleke senni nde to sara fe, n naxa xui nde me kelifa serexebade xeema daaxi feri tunxun naanie ma, naxan na Ala ya i. ¹⁴ Na xui naxa a fala maleke senni nde be, sara nu suxuxi naxan yi, «Na maleke naani rabepin, naxee xirixi Efirati xure ma.» ¹⁵ Na maleke naanie nu na waxati yati nan mamema, alako e xa adamadi ndee faha. Adamadie itaxunxi saxan na, e xa na doxode saxan nde faha. E naxa fulun na wali xili ma.

¹⁶ Na soe ragi gali xasabi nu dangi miliyon keme firin na. N naxa na konti me. ¹⁷ Na laamatunyi kui n naxa na soe nun e ragie to. E kanke makantase nu mapingixi ne a gbeeli, a fooro, nun a nerefunyi daaxi. Soe xunyie nu luxi alo yete xunyi. Te, tuuri, nun soda nu minima e de kui. ¹⁸ Dunija mixi itaxunxi saxan na, na doxode saxan nde naxa faha na gbaloe saxanyi mooli ra: te, tuuri, nun soda naxan nu minima e de kui. ¹⁹ Na soe

senbe nu na e de nun e xuli nan kui. E xuli nu maniyaxi boximase nan na, xunyi nu na a be naxan mixi tɔɔɔma. ²⁰ Mixi naxee mu faxa na gbaloe saabui ra, e mu gbilen e xa wali kobie fɔxɔ ra. E nu jinnɛe nan batuma, a nun kuyee xɛɛma daaxi, gbeti daaxi, wure gbeeli daaxi, gemɛ daaxi, nun wuri daaxi, naxee mu nɔma se tode, naxee mu nɔma fe mede, naxee mu nɔma jɛɛde. ²¹ Na mixie mu gbilen e xa faxa tife fɔxɔ ra, e xa manduru walie, e xa fe jaaxie, nun e xa muɛɛe xa fe fɔxɔ ra.

10

Malekɛe xa buki lanmadi

¹ N naxa maleke senbema gbete to goro ra kelifɛ koore nuxui kui. Senkui nu na a xunyi rabilinyi, a yatagi nu yanbama alɔ soɛ, a sanyie nu maniyaxi tɛ nan na. ² Buki lanmadi nu na a belexɛ, a rabixi. Malekɛ yirefanyi sanyi nu tixi baa fari, boore fan nu tixi xare ma. ³ A naxa a xui ramini senbe ra, naxan maniya yetɛ xui ra. Galanyi solofere naxa a xui ratin. ⁴ Na galanyi solofere xui to mini, n nu wama na sebefɛ, kɔnɔ xui nde naxa keli koore ma, a a fala n be, «Galanyi solofere xa masenyi nɔxun, i naxa a sebe.»

⁵ Malekɛ naxan sanyi nu tixi baa nun xare fari, a naxa a yirefanyi belexɛ itala koore ma, ⁶ a fa a kali Ala ra naxan jipe a ra abadan, naxan koore, boxi, nun baa daa, a nun e kui se birin. A naxa a masen a waxati mu fa dugundife sɔnɔn. ⁷ Malekɛ solofere nde na a xa sara fe temui naxɛ, Ala gundo fama nɛ kamalide alɔ a nu bara a masen a xa konyi namipɔnmɛe be ki naxɛ.

⁸ Na xui naxan nu bara wɔyen n be kelifɛ koore ma, na man naxa a masen n be, «Siga, i sa buki lanmadi rabixi tongo naxan na malekɛ belexɛ, malekɛ naxan sanyi tixi baa nun xare fari.» ⁹ N naxa siga na malekɛ yire, n fa a maxandi a xa na buki lanmadi so n yi ra. A naxa a fala n be, «I xa a tongo, a don. A xɔnɛ rasoma nɛ i furi, kɔnɔ a jɔxunma nɛ i de kui alɔ kumi.» ¹⁰ N naxa na buki lanmadi tongo malekɛ belexɛ, n naxa a don. A nu jɔxun n de kui alɔ kumi, kɔnɔ a to n furi kui li, a naxa findi xɔnɛ ra. ¹¹ Na temui a naxa a fala n be, «A lanma i man xa wɔyen Ala xili ra pamanɛe xa fe ra, sie xa fe ra, xui gbete faleɛ xa fe ra, nun mange gbegbe xa fe ra.»

11

Taa seniyeɛnxi nun seede firinyie

¹ Malekɛ nde naxa se maniyase wuri daaxi so n yi ra, a nu fa a fala, «Keli, i xa

Ala xa hōrōmōbanxi nun serexebade maniya, i man xa batulae kōnti. ² I naxa yire maniya naxan na tande, barima si gbeteē fama mēnni nan tongode, e fa taa seniyenxi kana kike tongo naani nun firin bun ma. ³ N masenyi soma n ma seede firinyie nan yi ra, e naxan tima n xili ra xi wulu keren xi keme firin nun xi tongo senni bun ma, sunnun donma ragoroxi e ma. ⁴ Na seede firinyie misaalixi oliwi wuri firin nan na, a nun lanpui firin naxee tixi Daali Marigi ya i. ⁵ Xa mixi nde fa wa fe jaaxi rabafe e ra, te nan minima e de kui, a e yaxuie xa fe kana. Iyo, xa mixi nde wama e tōōrōfe, na kanyi faxama na mōoli nan na. ⁶ Senbe na e be koore balanfe ra, alako tune naxa fa e xa namipōnmē wali raba temui. Senbe na e be ye masarafe wuli ra, a nun fure jaaxi mōoli wuyaxi raminife dunija ma e wama a xōn ma temui naxe.»

⁷ Na seede firinyie na ge e xa seedejōxōya ra, na sube naxan minixi yili tilinxi kui, na nan e gerema, a nō e ra, a e faxa. ⁸ E furee sama ne taa belebele malande, e Marigi banban wuri magalanbuxi ma dennaxe. Na taa maniyaxi Sodoma nan na, xa na mu a ra Misira. ⁹ Mixie kelima si, bōnsōe, xui, nun jamanē birin nan ma, e fa e fure matode xi saxan nun a tagi bun ma. E mu tinma mixi xa e ragata.

¹⁰ Mixie fama seewade dunija ma na mixi firinyie nan faxafe ra, barima na namipōnmē firinyie nu bara mixie tōōrō. E se ndee fi e booree ma na seewe xa fe ra.

¹¹ Na xi saxan nun a tagi to dangi, Ala naxa nii raso e fate, e man xa ti e sanyie xun na. Naxan birin e to, e naxa gaaxu ki fanyi ra. ¹² Na seedee naxa xui senbema nde me kelife koore ma a falafe ra, «Wo xa te han be.» E naxa te koore ma nuxui kui e yaxuie ya xōri. ¹³ Na temui, bōxi naxa seren. Taa itaxunxi fu ra, na dōxōde fu nde naxa bira. Na bōxi xa serenxi naxa mixi wulu solofere faxa, mixi dōnxōee naxa kaaba, e fa Ala matōxō, naxan na koore ma.

¹⁴ Naxankate firin nde bara dangi, a gbe mu luxi a saxan nde fan xa fa.

¹⁵ Maleke solofere nde to sara fe, xui itexie naxa mini koore ma a falafe ra, «Mangeya naxan nu na dunija ma, na bara findi muxu Marigi nun a xa Mixi Sugandixi gbe ra. A xa mangeya buma ne abadan.»

¹⁶ Na fori mōxōpen nun naani, naxee nu magoroxi kibanyie kui Ala ya i, e naxa e felen bōxi ma, e Ala batu. ¹⁷ E naxa a fala, «Muxu bara muxu Marigi Ala Senbe Kanyi tantu, naxan nu na singe han to, barima i bara i senbe magaaxuxi ramini, i xa mangeya xa ti dunija. ¹⁸ Namanee nu bara xōnō, kōnō i xa xōne bara e li, kiiti waxati bara fa. Na kui, mixi faxaxie makiitima ne, i xa konyi namipōnmēe e sare sōtōma ne, a nun

seniyentōee, nun naxee gaaxuma i xili ya ra, dimēdie nun forie. Naxee bara dunja kana, e fan xun nakanama ne.»¹⁹ Ala xa hōrōmōlingira naxan na koore ma, a naxa rabi, birin naxa Ala xa saate kankira to naxan na hōrōmōlingira kui. Na temui seyamakōnyie, galanyi xuie, bōxi serenyi, nun balabalanyi belebele naxa mini senbe ra.

12

Gine, dimedi, nun sube magaaxuxi

¹ Tōnxuma belebele naxa mini koore ma. Soge nu na na gine nde rabilinyi, kike nu na a sanyi bun ma, tunbui fu nun firin nu na a xun na alo mange katanyi. ² A nu na gbelegbelefe tōre kui, barima a nu na di barife a tēgexi naxan ma.

³ Tōnxuma gbete fan naxa mini koore ma. Sube magaaxuxi xungbe nde nu na, a gbeelixi alo te, xunyi solofere nu na a be, a nun feri fu. Mange katanyie nu na a xunyi solofere birin fari. ⁴ Tunbui itaxunxi saxan na, a xuli naxa din na dōxode saxan nde ra, a e woli bōxi ma.

Sube magaaxuxi naxa keli, a fa ti gine ya i naxan nu na di barife, alako a xa na diyōre don. ⁵ Gine naxa di xeme bari, naxan fama si birin yamaride a xōrōxōe ra. Gine to di bari, na di naxa te Ala yire, a xa mange kibanyi na dennaxe. ⁶ Gine naxa a gi, a siga yire nde gbengberenyi ma Ala nu bara naxan yailan a be, alako a xa balo menni xi wulu keren xi keme firin nun tongo senni bun ma.

⁷ Gere naxa mini koore ma. Minkayilu nun a xa malekee naxa na sube magaaxuxi nun a xa malekee gere, ⁸ kōnō na sube mu nō Minkayilu nun a xa malekee ra. Na kui, sube magaaxuxi nun a xa malekee mu nō sabatide koore ma sōnōn. ⁹ E naxa na sube magaaxuxi xungbe woli bōxi ma, a nun a xa malekee. A tan nan findixi na bōximase fori ra, naxan xili Ibulisa, xa na mu a ra Sentane. A bara dunja birin madaxu.

¹⁰ Na temui, n naxa xui itexi me koore ma, a a falama,

«Yakōsi, kisi temui bara a li,
muxu Marigi Ala senbe nun a xa mangeya,
nun a xa Mixi Sugandixi xa mangeya bara fa,
barima naxan nu muxu ngaxakerenyie kalamuma
muxu Marigi Ala ya i kōe nun yanyi ra,
na bara bira.

¹¹ Muxu ngaxakerenyie xutu sōtōxi a ma

Yexeyore wuli nun e xa seedepoxoya nan saabui ra.

E mu kankan e xa simaya ma,
e mu gaaxu faxe ya ra.

¹² Na kui, koore nun naxee sabatixi naa,
e xa jalexin.

Kono jaxankate bara lu boxi nun baa ma,
barima Ibulisa bara bira wo mabiri.

A xonoxi barima a bara a kolon
a temui gbegbe mu luxi a be kore.»

¹³ Sube magaaxuxi to a kolon, e bara a woli boxi ma, a naxa bira na gine foxo ra, naxan na di xeme bari. ¹⁴ Kono xaruma gabutenyi naxa lu na gine be, alako a xa tungan sigafe ra gbengberenyi ma, a luma balo ra dennaxe waxati saxan nun a tagi bun ma. Menni a nu bara makuya na boximase ra. ¹⁵ Kono boximase naxa xure ramini a de kui, a xa gine madula. ¹⁶ Na temui boxi naxa na xure ye min, sube magaaxuxi nu bara naxan namini a de kui, alako a xa na gine rakisi. ¹⁷ Sube magaaxuxi to xono na gine ma, a naxa siga na gine bonsoe donxoe gere, naxee Ala xa seriye rabatuma, e man la Isa xa seedepoxoya ra. ¹⁸ Na sube magaaxuxi naxa ti baa de ra meyeniyi fari.

13

Sube naxan texi ye xora

¹ Na dangi xanbi n naxa sube magaaxuxi nde to te ra ye xora, feri fu na a xunyi solofere ma, mange katanyie dodoxi na feri fu fari. Marasoto xilie fan nu sebexi a xunyii ma. ² Na sube magaaxuxi nu maniyaxi barate nan na, a sanyie senbe nu gbo, a de nu luxi ne alo yete de. Na sube magaaxuxi naxa a senbe, a xa noe, nun a xa kibanyi lu sube boore yi ra. ³ Fi jaaxi to lu a xunyi keren ma, a naxa yalan. Na fi to mu a faxa, dunija naxa kaaba, e birin naxa bira a foxo ra. ⁴ Dunija mixie naxa tuubi sube magaaxuxi be, barima a tan nan nu bara noe so sube boore yi ra. E man naxa tuubi sube boore be, e nu a fala, «Nde maniya yi sube ra, nde noma a gere?»

⁵ Na sube naxa noe soto a xa yete igboe masenyi nun marasotoe fale ra. A naxa noe soto, a xa wali kike tongo naani nun firin bun ma. ⁶ A naxa Ala rasoto, a Ala xili kana, a Ala xa horomolingira rasoto, a nun naxee sabatixi koore ma. ⁷ A naxa noe soto alako a xa seniyentoe gere, a xa no e ra. A naxa noe soto bonsoe, si, xui, nun pamane birin xun ma.

⁸ Dunija mixi birin fama tuubide a tan nan be, naxee xili mu sebexi Yexeeɣore kon naxabaxi xa kisi buki kui kabi dunija fole.

⁹ Tuli na naxan be, a xa a tuli mati yi masenyi ra. ¹⁰ Konyiya ragirixi mixi naxan ma, a sigama ne konyiya kui. Santidegema faxe ragirixi mixi naxan ma, na kanyi fan faxama ne santidegema ra. Seniyentsee xa tun nabexi nun danxaniya kolonma na nan kui.

¹¹ Na dangi xanbi n man naxa sube magaaxuxi gbete to a tefe boxi bun ma, feri firin nu na a be alo yexee, a nu woyenma alo sube magaaxuxi. ¹² A nu na sube magaaxuxi singe senbe nan nawalife na ya xori, a a niya dunija mixi birin xa tuubi na sube magaaxuxi singe be, naxan xa fi jaaxi nu bara yalan. ¹³ A nu luma kaabanakoe belebele raba ra, han a te ragoro boxi ma kelife kooore ma mixie ya xori. ¹⁴ A to na senbe soto, a naxa dunija mixie madaxu a xa kaabanakoe ra na sube magaaxuxi singe ya xori. A naxa a fala dunija mixie be e xa kuye yailan naxan maniya na sube magaaxuxi singe ra, naxan nu bara maxono santidegema ra, konso a mu faxes. ¹⁵ E to na kuye yailan, a naxa noe soto a xa a niya na kuye xa woyen, mixi birin xa faxes naxan mu tuubima na kuye be. ¹⁶ A naxa yaamari fi, dimedie nun forie, bannae nun setaree, lasirie nun konyie, tonxuma xa sa e birin yirefanyi belexe ma, xa na mu e tigi ma, ¹⁷ alako mixi matonxumataree naxa sare so, e naxa sare mati. Na tonxuma findixi sube xili nan na, xa na mu a ra yi konti nan findixi xili ra. ¹⁸ Lonni na naxan be, a xa na konti kolon, barima a adamadi xa fe masenma. Na konti naxan findixi xili ra a findixi keme senni, tongo senni nun senni nan na.

14

Yexeeɣore nun a xa mixi rakisixie

¹ N to n ya rage, n naxa Yexeeɣore to a tixi Siyoni geya fari. Mixi wulu keme wulu tongo naani nun naani nu na a seeti ma, Yexeeɣore xili nun a Baba xili sebexi e tigie ma. ² N naxa xui nde me kooore ma, alo xure xungbe, xa na mu a ra alo galanyi. A nu luxi ne alo mixie nan nu kora bonbofe. ³ E nu na beeti neene bafe mange kibanyi ya i, a nun na nimase naani nun na forie. Mixi yo mu nu noma na beeti matinkande, fo na dunija mixi wulu keme wulu tongo naani nun naani naxee xun nu bara sara. ⁴ E mu nu yene rabaxi gine ra, e nu seniye. E birama na Yexeeɣore foxo ra yire birin. E xun nu bara sara mixie tagi, alako e xa findi Ala gbe nun Yexeeɣore gbe ra, alo serexe singe naxan bama Ala be xe xaba temui. ⁵ E de mu nu wule falaxi, marakorosi yo mu nu e ma.

⁶ N naxa maleke gbete to a jere ra koore ma. Xibaaru fanyi nu na a yi ra dunja mixie be, si, bonsɔɔ, xui, nun jamanɛ birin be abadan. ⁷ A naxa a fala a xui itexi ra, «Wo xa gaaxu Ala ya ra, wo xa a matɔɔ, barima a xa kiiti waxati bara a li. Wo xa wo igoro a be, naxan koore, bɔxi, baa, nun dulonyie daaxi.»

⁸ Maleke firin nde nu biraxi a fɔɔ ra, a nu fa a fala, «Babilɔn belebele bara bira. Babilɔn bara bira, naxan jamanɛ rasiisixi a xa fe jaaxie ra.»

⁹ Maleke saxan nde nu biraxi e fɔɔ ra, a nu fa a fala a xui itexi ra, «Xa mixi nde a igoroma na sube be, xa na mu a ra na kuye be naxan yailanxi a misaali ra, a fa sa li tɔnxuma na a tigi ma, xa na mu a belexe ma, ¹⁰ na kanyi fan Ala xa xɔne kolonma ne, a fa lu alo siisila naxan beere xɔɔɔɔ minxi. A fama tɔɔɔɔ te nun soda xɔɔra, maleke seniyenxie nun Yexɛɛɔɔ ya xɔri. ¹¹ Tuuri naxan tema na te xɔɔra a mu jɔnma abadan. Na mixie, naxee e igoroma na sube be, xa na mu a ra na kuye be naxan yailanxi a misaali ra, a fa sa li na sube xili tɔnxuma saxi e ma, na kanyie mu malabui sɔɔma kɔe nun yanyi. ¹² Seniyentɔe xa tun nabɛxi nan na ki, naxee Ala xa seriye rabatuma, naxee danxaniyaxi Isa ma.»

¹³ N naxa xui nde me koore ma a falafe ra, «I xa a sebe a seewe na mixie be, naxee faxama Ala xa fe kui yakɔsi han dunja rapɔnyi.» Ala Xaxili Seniyenxi naxa a masen, «Iyo, nɔndi na a ra. E lan e xa e malabu e xa wali xɔɔɔɔ ma, e xa na wali sare sɔɔ.»

¹⁴ N naxa nuxui fiixe to. Daali nde nu magoroxi a fari, naxan maniya adamadi ra. Mange katanyi xeema daaxi nu saxi a xun ma, warate xɛɛɛɛ nu na a belexe. ¹⁵ Maleke gbete naxa mini hɔɔmɔlingira kui, a a fala a be a xui itexi ra, «I xa warate rawali, xe xaba, barima na waxati bara a li, dunja xe xa xaba. ¹⁶ Naxan nu magoroxi nuxui fari, a naxa warate rawali dunja ma, dunja xe naxa xaba.»

¹⁷ Maleke gbete naxa mini koore hɔɔmɔlingira kui, warate xɛɛɛɛ nu na a belexe. ¹⁸ Maleke gbete, naxan nu te yamarima, a naxa keli serɛɛɛɛɛɛ yire, a a fala a xui itexi ra warate xɛɛɛɛ kanyi be, «Warate xɛɛɛɛ rawali, weni bogie xaba dunja, barima e bara mɔ.» ¹⁹ Na maleke naxa warate rawali, a fa dunja weni bogi birin ba, a e sa a sase kui Ala xa xɔne e maboronma dennaxe. ²⁰ Na wali naxa raba taa fari ma. Mixi wuli naxa na se sase rafe, a fili a ma han na wuli naxa ikuya kilo keme saxan na, a xa tilinyi fan soe de suxuma.

Maleke solofere nun gbaloe donxɔɛ

¹ Na dangi xanbi, n man naxa tɔnxuma xungbe to naxan bara n de ixara. Maleke solofere naxa mini gbaloe donxɔɛ solofere ra, Ala xa xɔɛ kamalima naxee ra. ² N naxa baa nde to, a luxi alo diyaman, a sunbuxi tɛ ra. Mixi naxee nu bara nɔ na sube ra, a nun na kuye naxan yailanxi a misaali ra, a nun a xili xa kɔnti ra, e nu tixi baa fari, Ala xa kɔrae nu na e belexe. ³ E nu Ala xa konyi Munsa xa beeti nan bama, a nun Yexɛɛyɔɛ xa beeti, a falafe ra, «Muxu Marigi Ala Senbe Kanyi, i xa walie senbe gbo! E makaaba! Dunipa Mange, i xa kira nɔndi na a ra, a man tinxin. ⁴ Marigi, nde mu gaaxuma i ya ra? Nde mu i xili matɔxɔma? I keren peti nan seniye. Namanɛ birin fama nɛ e magorode i be, barima i bara i xa tinxinyi makenen.»

⁵ Na to dangi, n naxa Ala xa hɔrɔmɔlingira rabixi to koore ma, saate kankira na naxan kui. ⁶ Maleke solofere, tɔɔɛ donxɔɛ solofere nu na naxee yi ra, e naxa mini hɔrɔmɔlingira kui, serexedube dugi fiixe mayanbaxie ragoroxi e ma, beleti xɛɛma daaxi balanxi e kanke ma. ⁷ Nimase keren na nimase naani ya ma, a naxa tɔnbili xɛɛma daaxi solofere so na maleke solofere yi ra. Na tɔnbilie nu rafexi Ala xa xɔɛ nan na, Ala naxan nɔɔɛ a ra abadan. ⁸ Tuuri naxa hɔrɔmɔlingira rafe Ala xa nɔɛ nun a senbe xa fe ra. Mixi yo mu nu nɔma sode hɔrɔmɔlingira kui, fo tɔɔɛ solofere xa wali xa kamali naxee nu na maleke soloferee yi ra.

16

Tɔnbili solofere

¹ N naxa xui xungbe nde mɛ, naxan kelixi hɔrɔmɔlingira kui, a a falama malekee be, «Wo siga, wo xa Ala xa xɔɛ tɔnbili soloferee ifili dunipa ma.» ² Maleke singe naxa siga, a sa a xa tɔnbili ifili dunipa ma. Na kui, fi jaaxi naxa mini mixie ma, na sube xa tɔnxuma nu saxi naxee ma, naxee nu tuubima kuye be naxan yailanxi a misaali ra.

³ Maleke firin nde naxa a xa tɔnbili ifili baa ma. Baa naxa lu alo mixi faxaxi wuli. Nimase birin naxa faxes, naxee nu na baa ma.

⁴ Maleke saxan nde naxa a xa tɔnbili ifili xuree nun dulonyie ma. E fan naxa findi wuli ra. ⁵ N naxa maleke xui mɛ, naxan nu ye yamarima. A naxa a fala, «I tan naxan na to, i tan naxan na xoro, i tan naxan seniye, i bara kiiti tinxinxi sa, ⁶ barima e nu bara seniyeɔɔɛ nun namipɔnmee wuli ramini. I fan bara wuli so e yi ra, e naxan minma. A lanxi na ki nɛ.» ⁷ N naxa serexɛbade fan xui mɛ. A naxa a fala, «Iyo, Ala Senbe Kanyi, i

xa kiiti birin tinxin, e findixi nɔndi nan na.»

⁸ Maleke naani nde naxa a xa tɔnbili ifili soge ma. Soge naxa yaamari soto a xa adamadie gan a te ra. ⁹ Wuyenyi jaaxi naxa mixie gan. E naxa Ala xili rasoto, naxan na toore birin nasanbaxi. E mu tuubi, e tondi Ala matɔxode.

¹⁰ Maleke suuli nde naxa a xa tɔnbili ifili na sube xa kibanyi ma. A xa mangeya naxa lu dimi kui, mixie naxa e nenyie xin jaxankate ma, ¹¹ e fa Ala xili rasoto, naxan na koore ma, e xa toore nun e xa fie xa fe ra. E tondi gbilende e xa wali kobie foxo ra.

¹² Maleke senni nde naxa a xa tɔnbili ifili Efirati xure xungbe ma. Na xure naxa xara, alako a xa findi kira ra mangee be, naxee fama kelife sogetede. ¹³ N naxa pinne seniyentare saxan to mini ra na sube magaaxuxi de kui, na sube boore de kui, a nun na namijonme wule fale de kui. Na pinnee nu maniyaxi xuupɛe nan na. ¹⁴ Sentane xa pinnee nan nu e ra, naxee tonxumae rabama, e man sigama dunipa mangee maxilide, alako e xa e malan, e xa gere so Ala Senbe Kanyi xa loxoɔe xungbe ma. ¹⁵ «Wo bara a to, n fama terenna nan na, alo mujeti a gbe wali rabama ki naxe. Seewe na mixi be naxan mu xima, naxan mu a xa dugi bama. Na kanyi naxa lu a mageli ra, alako a naxa yaagi.» ¹⁶ Ninnee naxa dunipa mangee malan yire nde naxan xili falama Eburu xui ra «Aramagedon.»

¹⁷ Maleke solofere nde naxa a xa tɔnbili ifili kuye ma. Xui xungbe nde naxa mini horomolingira kui Ala xa kibanyi mabiri, a a masen, «A bara jon.» ¹⁸ Galanyi naxa bula, xuie naxa mini, seyamakonyie naxa mini, boxi naxa seren, naxan maniye mu nu raba sinden kafi dunipa fole. ¹⁹ Na taa xungbe naxa kana alo se naxan giraxi doxo saxan. Dunipa taae birin naxa bira. Ala naxa ratu Babilon taa gbe ma, a weni tɔnbili fi a ma a xa Ala xa xone mankane min. ²⁰ Surie nun geyae naxa loe. ²¹ Balabalanyi belebelee naxa keli koore ma, e bira mixie ma. A xori keren binya kilo tongo saxan nun naani jondon. Mixie naxa Ala xili rasoto na balabalanyi xa fe ra, barima na toore nu gbo a gbe ra.

17

Babilon xa kane

¹ Na dangi xanbi, maleke keren naxan nu na na maleke tɔnbili kanyi solofere ya ma, a naxa a fala n be, «Fa be, alako n xa langoe xungbe xa kiiti masen i be, na langoe naxan doxoxi xure xungbee de ra.» ² Dunipa mangee nun na langoe gine naxa fe kobi raba. E xa mixie fan naxa bira fe jaaxie foxo ra han e naxa lu alo siisilae.

³ Na maleke naxa laamatunyi nde masen n be. N naxa gine nde to gbengberenyi

ma, a dɔxɔxi sube gbeeli fari, marasoto xilie nu sebexi naxan ma. Xunyi solofere nu na a ma, feri fu tixi a xun ma. ⁴ Na gine nu maxirixi donma gbeeli tofanyi nan na, konmagore, belexerasoe, nun xurunde tofanyie nu na a yi ra naxee yailanxi xeema nun geme tofanyie ra. Pooti xeema daaxi suxuxi a yi ra, fe xonxi seniyentaree nu na a kui, naxee misaalixi a xa wali jaaxi ra. ⁵ Xili nde sebexi a tigi ma gundo daaxi: «Babilon xungbe, yenelae nun fe jaaxie nga.» ⁶ N naxa na gine to, a siisixi seniyentosee wuli ra, naxee nu findixi Isa xa seedee ra. N to a to, n de naxa ixara ki fanyi.

⁷ Na maleke naxa a fala n be, «Munfe ra i de ixaraxi? N fama ne yi gundo tagi rabade i be, yi gine xa fe ra nun yi sube xunyi solofere nun feri fu kanyi xa fe ra a dɔxɔxi naxan fari. ⁸ I sube naxan to, a nu na na, konɔ a mu na yakɔsi. A fama ne tede yili tilinxi kui, a fa bonɔ. Adamadi naxee xili mu sebexi kisi buki kui, kabi dunija fole, e kaabama ne yi sube xa fe ra, barima singe a nu na, yakɔsi a mu na, konɔ temui naxan sa fama, a man minima ne.»

⁹ Xaxilima noma yi fahaamude: Na xunyi solofere misaalixi geya solofere nan na, gine dɔxɔxi naxee fari. ¹⁰ Nee man misaalixi mange solofere nan na. Suuli bara bira, keren na na, boore mu nu fa sinden. A na fa, a buma ne dondoronti. ¹¹ Sube naxan nu na na, konɔ a mu na yakɔsi, na misaalixi mange solomasaxan nde nan na. A fan na na na mange solofere nan ya ma naxan fama bonode.

¹² Na feri fu i naxee toxi, nee fan misaalixi mange fu nan na, naxee mu nu mangeya soto sinden. E tan nun na sube, e fama mange noe nan sotode waxati keren bun ma. ¹³ E waxonfe birin lan. E e xa senbe nun e xa mangeya ragbilenma ne na sube ma. ¹⁴ E Yexeyore gerema ne, konɔ Yexeyore nan geenima, barima a tan nan findixi marigie Marigi ra, mangee xa Mange. A xa mixi sugandixie, a xa danxaniyatosee na a seeti ma. ¹⁵ A naxa a fala n be, «Na xuree i naxee toxi, na langoe gine dɔxɔxi xure naxee de ra, e misaalixi pamanee, bonsosee, sie, nun xuiie nan na. ¹⁶ Na feri fu nun na sube, i naxee toxi, e na langoe gine xonma ne. E fama ne se birin bade a yi ra, e fa a ti a mageli ra, e a sube don, e a donxoe woli te xora, ¹⁷ barima Ala nan a ragirixi e xa a waxonfe raba. E xa e xa mangeya ragbilen na sube ma, han Ala xa masenyi kamalima temui naxe. ¹⁸ Na gine i naxan toxi, a misaalixi dunija mangee xa mangataa xungbe nan na.»

¹ Na dangi xanbi, n naxa maleke gbete to goro ra keli koore ma. Nɔɛ xungbe nu na a yi, a xa nɔɛ naxa dunipa iyalan. ² A naxa a fala a xui itexi ra, «Babilɔn xungbe bara bira. Babilɔn bara bira, a bara findi jinnɛɛ xɔnyi ra, jinnɛɛ seniyɛntaree nun xɔni raharamuxie luma dennaxe. ³ A kanaxi nɛ barima si birin bara bira a xa fe jaaxie fɔxɔ ra. Dunipa mangɛɛ bara lu a sɛeti ma a xa wali kobi kui. Dunipa yulɛɛ fan bara banna a waxɔnfe saabui ra. E birin luxi nɛ alo siisilae.»

⁴ N naxa xui gbete mɛ keli koore ma a falafɛ ra, «N ma jama, wo xa mini a ya ma, alako wo fan naxa lu a xa yunubie kui, wo xa a xa tɔɔɛ fan sɔtɔ. ⁵ A xa yunubie bara gbo a gbegbe ra. Ala bara ratu a xa tinxintareya birin ma. ⁶ Wo xa a xa wali sare ragbilen a ma dɔxɔ firin. A naxan nabaxi wo ra, wo xa na raba a tan fan na dɔxɔ firin. ⁷ A waxɔnfe xun to nu masaxi temui birin, wo fan xa a xa tɔɔɛ xun masa na ki, a xa sunnun, barima a a fala nɛ a bɔɛɛ kui, «Mange gine nan n na. Kaape gine mu na n na, n mu luma sunnunyi kui abadan.» ⁸ Na masenyi xa fe ra, a fama yi gbaloe tode lɔxɔɛ keren: faxɛ, sunnunyi, nun kaame. A ganma nɛ tɛ ra, barima Marigi Ala Senbema nan a makiitixi.»

⁹ Dunipa mangɛ birin naxee bara bira a xa fe jaaxie nun a waxɔnfee fɔxɔ ra, e fama nɛ wade. E na a to a xa taa na ganfe, e sunnunma nɛ. ¹⁰ E lu yire makuye barima e gaaxuxi a xa tɔɔɛ ya ra. E nu fa a fala, «Naxankate na Babilɔn bɛ. Naxankate na na taa xungbe senbema bɛ. A bara makiiti leeri keren bun ma.»

¹¹ Dunipa yulɛɛ wama nɛ a xa fe ra, e sunnunma nɛ, barima mixi mu na naxan e xa kotee sarama sɔnɔn, ¹² kote naxan findixi xɛema ra, gbeti, gɛmɛ tofanyie, dugi gese daaxi, dugi gbeeli, wuri fanyi, sili jinyi masolixi, wuri fanyi masolixi, yɔxui, wure, gɛmɛ xɔɔxɔɛ, ¹³ donse jɔxunmɛ, surayi mɔoli birin, labunde, weni, ture, farin fanyi, ningee, yɛxɛɛɛ, soee, sɔɔri ragisee, nun konyie. ¹⁴ «I waxɔnfe birin bara makuya i ra, na se fanyie bara lɔɛ i ma. I mu nee sɔtɔma sɔnɔn.» ¹⁵ Yulɛ naxee bannaxi a saabui ra, e fan luma nɛ yire makuye, barima e gaaxuxi a xa tɔɔɛ ya ra. E wama nɛ, e lu sunnunyi kui. ¹⁶ E nu a fala, «Naxankate na na taa xungbe bɛ, jaxankate na a bɛ, naxan nu wama dugi fiixe, dugi gbeeli, xɛema, nun gɛmɛ tofanyie xɔn.»

¹⁷ A xa naafuli birin bara kana na waxati kerenyi kui. Kunkui rapɛɛɛ nun mixi naxan birin kunkui wali nde rabama, e luma nɛ yire makuye, ¹⁸ e fa a fala e xui itexi ra na taa xungbe ganxi ya ra, «Yi taa, a maniyɛ mu na.» ¹⁹ E fama nɛ xube masode e xunyi ma, e wa, e lu sunnunyi kui, e a fala, «Naxankate na na taa xungbe bɛ, jaxankate na na

taa be kunkui kanyie bannaxi dennaxe. Na taa bara findi gbengberenyi ra na waxati kerenyi kui.»

²⁰ «Naxee na koore, wo xa jelexin na taa xa jaxankate xa fe ra. Seniyentōee, Ala xa xēerae, nun namijonmēe, wo tan xa jelexin, barima Ala bara wo gbejoxo.» ²¹ Na temui maleke senbema nde naxa gēme xungbe tongo naxan nu luxi alo se luxutase, a naxa a woli baa ma a falafe ra, «Babilon taa xungbe birama ne a jaaxi ra alo yi gēme. Mixi mu a toma sonon.»

²² «I xa sigie mu mema sonon, naxee sama kōra, xule, nun sara xui ra. Wali xui mu minima i xōnyi sonon, maale din xui fan mu luma i xōnyi sonon. ²³ Lanpui xa naiyalanyi mu toma i xōnyi sonon. Futi xirimae xa jelexin xui mu mema i xōnyi sonon, barima i xa yulee nu bara findi mixi xungbee ra dunija, i bara si birin natantan i xa fe jaaxie saabui ra. ²⁴ Namijonmēe nun seniyentōee wuli bara mini i xōnyi, a nun naxee kon bara raxaba boxi ma.»

19

Ala xa tantui

¹ Na to dangi, n naxa jama xungbe xui me koore ma a fala ra, «Ala tantu. Kisi, xunnakeli, nun senbe na muxu Marigi Ala be, ² barima a xa kiiti tinxin, a findixi nondi nan na. A bara langoe gine makiiti, naxan nu bara dunija ratantan a xa fe jaaxie ra. Ala bara a xa konyie wuli gbejoxo a ma.»

³ Nama man naxa a fala a firin nde, «Ala tantu. Babilon tuuri tema ne abadan.»

⁴ Na fori mōxōjen nun naani, nun na nimase naani naxa e felen boxi, e Ala batu naxan nu magoroxi kibanyi kui, a falafe ra, «Amina, Ala tantu.»

⁵ Xui nde naxa mini kibanyi, a falafe ra, «Ala xa konyie, wo xa won Marigi Ala matōxo, wo tan naxee gaaxu a ya ra, wo tan dimee nun forie.»

⁶ N naxa jama xungbe xui me naxan senbe gbo alo xure wundu xui, xa na mu a ra galanyi xui. E naxa a fala, «Ala tantu, barima Ala Senbe Kanyi, won Marigi Ala bara so a xa mangeya kui. ⁷ Won xa seewa, won xa jelexin, won xa a binya, barima Yexēeyore xa futi xiri temui bara a li. A naxan dōxōma, a bara ge a yete yailande. ⁸ A naxan dōxōma a bara dugi fiixe tofanyi ragoro a ma, naxan misaalixi seniyentōee xa kewali tinxinxie ra.»

⁹ Maleke naxa a fala n be, «I xa a sebe, jelexinyi na mixie be naxee maxilixi

Yexeyore xa futi xiri malanyi.» » A naxa a fala n be, «Ala xa nondi nan na ki.»¹⁰ N naxa n xinbi sin a bun ma n xa a batu, konɔ a naxa a fala n be, «Ade, i naxa na raba. N fan findixi Ala xa konyi nan na alo i tan nun i ngaxakerenyi naxee bara la Isa xa seedeɔɔya ra. I xa Ala nan batu. Isa xa seedeɔɔya findixi namijonme xa masenyi xori nan na.»

¹¹ Na dangi xanbi n naxa koore to rabi ra, soe fiixe tixi na, a ragima xili Dugutege nun Nondi fale. A gere soma tinxinyi nan na, a kiiti sa tinxinyi kui.¹² A yae nu luxi ne alo te, mange katanyi naxan yailanxi geme tofanyi ra nu dusuxi a xun na. A xili sebexi a ma, xili mixi yo mu naxan kolon bafe a tan na.¹³ A xa dugi bundaxi wuli ra. A xili ne Ala xa Masenyi.¹⁴ Koore soori gali nu biraxi a foxo ra e xa soe fiixee fari, dugi fiixe tofanyie fan nagoroxi e ma.¹⁵ Santidegema xepexi nu minixi a de i, alako a xa pamanee gere, a xa e yamari sawuri senbema ra, Ala Senbe Kanyi xa xone xa kamali.¹⁶ A sebexi a xa dugi xungbe ma, a nun a tabe ma, «Mangee xa Mange, marigie Marigi.»

¹⁷ N naxa maleke to, a tixi soge fari. A naxa a fala a xui itexi ra xoni birin be naxee nu na koore ma, «Wo fa Ala xa xunnakeli yire,¹⁸ wo xa mangee sube don, a nun soori mangee sube, senbema sube, soee sube, soe ragie sube, lasiri nun konyie sube, dimee nun forie sube.»

¹⁹ N naxa na sube to, a nun dunjpa mangee nun e xa soorie. E birin nu malanxi alako e xa na soe fiixe ragima nun a xa soori gali gere.

²⁰ Soe fiixe ragima naxa na sube jaaxi suxu, a nun na namijonme wule fale, naxan nu bara mixie madaxu tonxumae ra, sube xa tonxuma nu saxi mixi naxee ma, a nun naxee nu bara na sube xa kuye batu. Na firinyie birin naxa woli te nun soda xora.²¹ Santidegema naxan nu minima soe fiixe ragima de kui, a naxa booree faxes, xonie fa e sube don.

20

Sentane raponyi

¹ Na dangi xanbi, n naxa maleke to goro ra kelife koore ma, yili tilinxi naade saabi nun yolonxonyi belebele nu na a yi ra.² A naxa na sube magaaxuxi suxu, na boximase fori, naxan findixi Ibulisa ra, na nan na ki Sentane. A naxa a xiri, a xa lu na ki je wulu keren bun ma.³ A naxa a woli yili tilinxi kui, a naade balan, a tonxuma sa naade ma, alako a naxa mini sie madaxude han na je wulu keren xa kamali. Na xanbi a lanma a xa

fulun waxati dunkedi bun ma.

⁴ N naxa kibanyi ndee to. Mixi naxee magoroxi e kui, nee nu bara yaamari soto e xa kiiti sa. N naxa mixie to naxee xunye nu bara ba e de i Isa xa seedeɲoxoya nun Ala xa masenyi xa fe ra. N man naxa mixie to naxee mu nu tuubi na sube nun a xa kuye be, na sube xili mu nu seɓexi e tigi ma, xa na mu a ra e belexe ma. E nu bara keli faxe ma, e piɲe, e yaamari raba Ala xa Mixi Sugandixi seeti ma ɲe wulu keren bun ma. ⁵ Boore mixi faxaxie mu nu kelixi faxe ma sinden, fo na ɲe wulu keren xa kamali. Marakeli singe nan na ki. ⁶ Nelexinyi nun seniyenyi na mixie be naxee bara lu na marakeli singe kui. Saya firin nde mu noma e lide sonon. E findima ne Ala nun Ala xa Mixi Sugandixi xa serexedubee ra, e fa yaamari ti a seeti ma ɲe wulu keren bun ma.

⁷ Na ɲe wulu keren na kamali temui naxe, Sentane minima ne a xa geeli kui, ⁸ a siga dunipa birin sie madaxude, alo Gogo nun Magogo, a e malan gere xili ma. E xasabi luma ne alo meyenye naxan na baa de ra.

⁹ Sie kelima ne dunipa yire birin, e fa Ala xa pama rabilin a xa taa xanuxi kui. Konon na temui te goroma ne kelife koore ma, a fa e sonto. ¹⁰ Ibulisa naxan nu sie madaxuma, a tan bara woli te nun soda xora, na sube nun na namiponme wule fale na dennaxe. E paxankatama ne naa koe nun yanyi ra abadan.

¹¹ Na dangi xanbi, n naxa kibanyi xungbe fiixe to, Ala magoroxi a kui. Boxi nun koore naxa e gi a ya ra, e loe. ¹² N naxa mixi faxaxie to, forie nun dimee, e birin tixi kibanyi ya i. Bukie naxa rabi, boore buki fan naxa rabi naxan findixi kisi buki ra. Mixi faxaxie naxa makiiti e kewali ra naxan nu seɓexi na bukie kui. ¹³ Mixi faxaxie naxee nu na baa ma, nee naxa keli. Mixi faxaxie naxee nu na aligiyama, nee fan naxa keli, e birin naxa makiiti e kewali ma. ¹⁴ Faxe nun aligiyama naxa woli te xora, naxan findixi faxe firin nde ra. ¹⁵ Mixi naxan birin xili mu nu seɓexi kisi buki kui, e naxa woli te xora.

21

Koore neene nun boxi neene

¹ N naxa koore nun boxi neene to, barima koore nun boxi singe nu bara loe, baa fan mu nu na sonon. ² N naxa taa seniyenxi to, Darisalamu neene, naxan nu na gorofe keli koore ma Ala seeti ma. A nu rafalaxi a fanyi ra alo gine naxan sigama a xa mori ralande a xa futi xiri loxo. ³ N naxa xui senbema nde me kelife kibanyi yire, a falafe ra, «Ala xa horomolingira nan ya naxan tixi adamadie ya ma. Ala sabatima ne adamadie tagi,

e findi a xa jama ra, a fan findi e Marigi Ala ra, a lu e tagi. ⁴ A e yaye birin bama ne. Faxε, sunnunyi, wa xui, nun tɔɔre mu luma naa sɔnɔn, barima na fe mɔoli naxee nu na singe ra, nee birin bara jɔn.»

⁵ Naxan magoroxi kibanyi kui a naxa a fala, «Yakɔsi, n bara fe birin masara.» A man naxa a fala, «A sebe, barima masenyi na a ra naxan findixi nɔndi ra, a mu kanama abadan.» ⁶ A naxa a fala n be, «A bara jɔn. N tan nan na fe singe nun fe dɔnxɔe ra, a fɔle nun a rapɔnyi. Ye xɔli na naxan ma, n kisi ye fima ne a ma, a mu sarama. Na ye misaalixi kisi nan na. ⁷ Mixi naxan geenima, a ke nan na ki. N bara findi a Marigi Ala ra, a fan bara findi n ma di ra. ⁸ Kɔnɔ mixi gaaxuxie, danxaniyataree, mixi jaaxie, faxetie, yenelae, mandurulae, kuye batuie, wule falee, e birin luma ne te nun soda xɔɔra. Na findima faxε firin nde nan na.»

⁹ Maleke nde naxan nu na na maleke solofere ya ma, tɔnbili solofere nu na naxee yi ra, mankanε solofere saxi e kui, a naxa fa n yire, a a fala n be, «Fa be, n xa Yexεeyɔre xa gine masen i be, naxan xa futi fama xiride.» ¹⁰ A naxa n xaxili xanin geya xungbe itexi ma. Menni a naxa na taa seniyenxi masen n be, naxan findixi na Darisalamu ra, naxan nu bara goro kelife koore ma Ala seeti ma. ¹¹ Ala xa nɔre nu na a ma, a nu yanbama alɔ geme tofanyi naxan maniyaxi diyaman na. ¹² A xa tete nu ite, naade fu nu firin nu na a ma, maleke fu nun firin nu tixi na naadee ra e makantafe ma. Isirayila bɔnsɔe fu nun firin xili nu sebexi na naadee ma. ¹³ Naade saxan nu na sogetede mabiri, naade saxan nu na kɔɔla mabiri, naade saxan nu na yirefanyi mabiri, naade saxan nu na sogegorode mabiri. ¹⁴ Taa tete nu tixi na geme safe fu nun firin nan fari, Yexεeyɔre xa xεera fu nun firin xilie nu sebexi e ma. ¹⁵ Maniyase xεema daaxi nu na na maleke yi ra, naxan nu wɔyenma n be, alako a xa nɔ taa, a naadee, nun a tete maniyade. ¹⁶ Taa kuye, taa igbɔɔa, nun taa iteya, a birin nu lanxi kilo wulu firin, kilo keme firin, kilo mɔxɔɔɔn nan ma. ¹⁷ Maleke naxa tete fan maniya adama ki ma. Na naxa lan kanke ya tongo saxan nun senni ma.

¹⁸ Tete nu yailanxi geme tofanyi nan na naxan maniya diyaman na. Taa tan nu yailanxi xεema xɔri fanyi nan na naxan tinse alɔ ye. ¹⁹ Taa tete nu tixi geme xungbee nan fari. Geme tofanyi mɔoli birin nan nu na geme xungbee raxunmaxi. Geme xungbe singe raxunmaxi geme tofanyi nde nan na naxan xili falama yasipe, a firin nde raxunmaxi geme tofanyi nde nan na naxan xili falama safiri, a saxan nde kalisedone, a naani nde emerode, ²⁰ a suuli nde sarodonixi, a senni nde sarodone, a solofere nde kirosolite, a

solomasaxan nde berili, a solomanaani nde topasi, a fu nde kirisopirase, a fu nun keren nde hiyasinti, a fu nun firin nde ametisite. ²¹ Tete naade fu nun firin nu yailanxi geme tofanyie nan na naxee na baa ma. Naade birin findixi geme keren nan na. Taa malande nu yailanxi xeema xori fanyi nan na naxan tinse alo ye.

²² N mu Ala xa hōrōmōlingira toxi taa kui, barima Marigi Ala Senbe Kanyi nun Yexēeyōre nan na hōrōmōbanxi ra. ²³ Na taa hayi mu nu na soge ma, xa na mu a ra kike ma, alako a xa naiyalanyi soto. Ala xa nore nan findima a xa naiyalanyi ra, Yexēeyōre findima a xa lanpui nan na. ²⁴ Sie jere ma a xa naiyalanyi nan kui, dunja mangēe fama ne a binyade. ²⁵ Na taa naade mu balanma, barima koe mu soma naa. ²⁶ Sie fama ne Ala binyade naa, e a matoxo. ²⁷ Se seniyentare yo mu soma naa, mixi naxan fe xonxi rabama nun mixi naxan wule falama, e fan mu soma naa. Mixi naxee xili sebexi Yexēeyōre xa kisi buki kui, e gbansan nan soma na.

Woyenyi naxee fahaamufe xoxoxo

Ala xa Mixi Sugandixi - Xili naxan saxi Ala xa Xera xun ma, Ala naxan laayidixi a xa pama be kabi temui xonkuye. Yi xili sebexi «Christ» furanse xui, konso a fatanxi gireki xui ra Inyila Isa sebexi naxan na. «Al Masiihu» fan a birin keren, konso a fatanxi eburu xui ra Tawureta Munsa sebexi naxan na. Na xili firinyie nu wama mixi masenfe Ala naxan sugandixi mange ra a xa pama xun ma.

Ala Xaxili Seniyenxi - Yi Kitaabui a masenma a Ala a yete xaxili xeema danxaniyatoe xon ma e malife ra e xa jere kui.

Al Masiihu - «Ala xa Mixi Sugandixi» mato.

Danxaniyatoe - Yi Kitaabui mixi xilima «danxaniyatoe» naxan nu lama a ra a Isa findixi dunja Nakisima nan na, e fa bira a xa seriye foxo ra.

Eburu – Xili fori nan na ki naxan nu saxi Isirayilakae xun ma. E xui naxan fan falama, na fan xili «Eburu xui.»

Fariseni - Xili naxan saxi xunlande nde xun ma naxan nu na Yuwifi diinelae ya ma. E nu a mapoxunxi a mixi birin lanma a xa karaxan Ala xa yaamarie rabafe ra, a naxee soxi Annabi Munsa yi ra. E nu mixi ragbengbenma senbe ra na fe kui.

Hōrōmōbanxi - Yuwifie xa diine kui salide keren nu na naxan dangi e xa salide birin na. A nu na Darisalamu taa kui. Yuwifie nu lanma e xa serexe ba menni gbansan. Alatala xa nore yati nu bara goro na banxi xun ma.

Kune - Fure nde naxan a niyama furema xa ramini Yuwifi jama ya ma. Na mixi findixi «mixi seniyentare» ra e be naxan mu lanma a xa din mixi yalanxi ra.

Malabui loxo - Yuwifie e malabuma simiti loxo alo Tawureta Munsa e yamarixi ki naxe. Na loxo a mu daxa e xa wali yo raba.

Ninne jaaxi - Ninne naxee birama Sentane foxo ra, e fa adamadie tooo, xa na mu a ra e ratantan.

Romakae - Isa nun a xa xera fu nun firinyie xa waxati, Isirayila nun pamane gbegbe nu na Romakae xa noe bun ma. E senbe nu gbo pamane birin be.

Saate Kankira - Annabi Munsa xa waxati Ala nu bara Isirayilakae yamari e xa kankira nde yailan Ala xa saate ragatama dennaxe. Na saate nu sebexi geme walaxe firin nan ma.

Saduseni - Xili naxan saxi xunlande nde xun ma naxan nu na Yuwifi diinelae ya ma. E mu laxi a ra Ala nan mixi rakelima faxe ma.

Sayamaleke Dangi Sali - Sali xungbe Yuwifie xa diine kui naxan mixi ratuma Ala xa kaabanako ma a to sayamaleke xee Misirakae xa di singee faxade. Na fe magaaxuxi dangi xanbi, Firawuna naxa Isirayilakae bepin, e xa gbilen e xonyi. Na sali man xili Taami Lebinitare Sali, barima na sali waxati, Yuwifie mu taami texi donma xi solofere bun ma.

Surayi - Yuwifie nu surayi ganma horomobanxi kui, a xa findi serexe ra Ala be. (Inyila Isa Annabi Luki naxan sebexi 1:9)

Taami Lebinitare Sali - «Sayamaleke Dangi Sali» mato.

Wuri magalanbuxi - Isa xa waxati Romakae nu suutee faxama wuri magalanbuxi nan kon na. E nu e belexe itala, e e mabanban wuri ma lantuma ra. E man e sanyi mabanban, e fa e lu naa han e faxes.

Xunxafe ye xora - Yi Kitaabui a masenma a diine ki ma, mixie lanma e xa dukulu ye xora alako e xa Ala xa fe suxu. Na xili falama «xunxafe ye xora.»

Xe Xabe Sali - Yuwifi xa sali xungbe nde naxan nu rabama xi tongo suuli Sayamaleke Dangi Sali xanbi ra. Na loxo e nu Ala tantuma e xa baloe xa fe ra e naxan soto xe xaba temui. (Isa xa Xerae xa Taruxui 2:1)

Yuwifi - Xili naxan saxi Isirayilakae xun ma Isa xa waxati. E gbegbe nu bara yensen ye dunija birin ma.

Ala xa kisi

¹ Na maleke naxa kisi xure masen n be. A nu tinse alo diyaman, a nu minima Ala nun Yexeyore xa kibanyi nan kui, ² a fa findi xure ra taa tagi. Kisi sansie nu tixi a de firin na, e nu bogi kike yo kike, sanmaya fu nun firin je kui. E burexe findixi seri nan na pamanee be. ³ Danke yo mu na sonon. Ala nun Yexeyore xa kibanyi na taa kui. Ala xa konyie a xui rabatuma, ⁴ e a yatagi to, a xili sebexi e tigi ma. ⁵ Koe mu soma naa, e hayi mu na lanpui nun soge naiyalanyi ma sonon, barima Marigi Ala nan findixi e xa naiyalanyi ra. Ala xa konyie yaamari tima ne naa abadan.

⁶ Maleke naxa a fala n be, «Yi masenyi nondi nan a ra, a mu kanama. Marigi Ala, naxan namiponme xaxili raperema, a naxa a xa maleke xee alako a xa a masen a xa konyie be naxan fama rabade waxati makorexi ra.»

⁷ Isa naxa a masen, «I xa a kolon, a gbe mu luxi n xa fa. Nelexinyi na mixi be naxan yi masenyi rabatuma, naxan sebexi yi Kitaabui kui Ala xili ra.»

⁸ N tan Yaya, n bara na fe birin me, n bara na fe birin to. N to na me, n to na to, n naxa bira na maleke bun ma naxan nu bara na fee masen n be, alako n xa a batu. ⁹ Kono a naxa a fala n be, «Ade, i naxa na raba. N fan findixi Ala xa konyi nan na alo i tan nun i ngaxakerenyi naxee findixi namiponmee ra, a nun mixi naxee yi Kitaabui xa masenyi rabatuma. I xa Ala batu.»

¹⁰ Na dangi xanbi na maleke naxa a fala n be, «I naxa yi masenyi balan tonxuma ra sinden, naxan sebexi yi Kitaabui kui Ala xili ra, barima waxati bara makore. ¹¹ Tinxintare xa lu tinxintareya kui, seniyentare xa lu seniyentarepa kui, tinxintoe xa lu tinxinyi kui, seniyentoe xa lu seniyenyi kui.»

¹² Isa naxa a masen, «I xa a kolon, a gbe mu luxi n xa fa, n man fama ne mixi birin xa kewali sare ra. ¹³ N tan nan findixi fe singe nun fe donxoe ra, a fole nun a raponyi ra. ¹⁴ Nelexinyi na mixi be naxee e yete seniyenma, alako e xa kisi sansi bogi don, e man xa no sode na taa kui naade ra. ¹⁵ Fe jaaxi rabae na taa fari ma, mandurulae, yenela, faxetie, kuye batuie, nun wule fale birin wule rafan naxee ma. ¹⁶ N tan Isa, n bara n ma maleke xee seedeponxoya ra danxaniyatoe pamae ma. N tan findixi Dawuda bonsoe sanke nan na, n tan findixi Dawuda bonsoe nan na. N luma ne alo subaxe looloe.»

¹⁷ Ala Xaxili Seniyenxi nun gine naxan xa futi xirima, e birin a falama, «Fa.» Naxan na a me, na fan xa a fala, «Fa! Ye xoli na naxan ma, a xa fa. Naxan wama a

minfe, a xa kisi ye tongo, a xa a min, a mu sarama!»

¹⁸ N tan Yaya bara findi seede ra mixi birin be naxee bara yi masenyi me naxan sebexi yi Kitaabui kui Ala xili ra. Xa a sa li mixi nde fama fe gbete nde sade yi masenyi fari, Ala nan fama toore sade na kanyi ma, alo toore naxan ma fe sebexi yi Kitaabui kui.

¹⁹ Xa a sa li mixi nde naxa woyenyi nde ba yi namiponme xa masenyi ra naxan sebexi yi Kitaabui kui, Ala nan fama kisi sansi ke bade a yi ra, a fa lu taa seniyenxi fari ma, alo a sebexi yi Kitaabui kui ki naxe. ²⁰ Yi seede naxan seedepoxoya baxi, a xa masenyi nan ya, a naxe, «Iyo, a gbe mu luxi n xa fa.» Amina. Marigi Isa, i xa fa!

²¹ Marigi Isa xa hinne birin na.